

Вольбы
до органів самосправи сел і вольбы до органів самосправных країв
в році 2026

ІНФОРМАЦІЯ О СПОСОБІ ГОЛОСОВАННЯ

Воліч може волити лем в селі/місті свого стабільного бивання у тім волебнім раёні, в списку волічів котрого є записаний.

Воліч є повинный по приході до волебной містности превказати волебній комісії свою тотожность тым, же предложить обчаньску легітімацію або документ о перебуваню чуждінця.

Волебна комісія прислушного раёну закружкує чісло воліча, під котрым є зарегістрований в списку волічів на вольбы до органів самосправных країв і выдасть волічови порожню белаву копертку з уряднов печатков села (міста) а таксамо два листы на голосованя з белавыма пругами - еден лист на вольбы до заступительства самосправного краю а еден на вольбы председу самосправного краю. Потім волебна комісія закружкує чісло воліча в списку волічів на вольбы до органів самосправи села/міста/міської часті і выдасть волічови порожню білу копертку з уряднов печатков села (міста) і два білы листы на голосованя - еден на вольбы до самосправи села/міста/міської часті а еден на вольбы старосту села (пріматора міста).

Перевзятя листів на голосованя і коперток потвердить воліч особітні в кождім списку волічів властноручным підписом.

Каждый воліч мусить перед голосованём піти до шпеціального простору на управу листів на голосованя. Волічови, котрый не вступить до шпеціального простору на управу листів на голосованя волебна комісія села/міста/міської часті не уможнить голосовати.

На листі на голосованя на вольбы до заступительства самосправного краю може воліч закружковати найвеце тільки кандидатів, кільки посланців мать быти зволених в прислушнім волебнім обводі (чісло посланців, котре ся волить у волебнім обводі є уведжене на листі на голосованя).

На листі на голосованя на вольбы председу самосправного краю може воліч закружковати лем єдного кандидата.

В шпеціалнім просторі на управу листів на голосованя вложить воліч до белавой копертки лист на голосованя на вольбы до заступительства самосправного краю і лист на голосованя на вольбы председу самосправного краю.

На листі на голосованя на вольбы посланців сельского (міського) заступительства може воліч закружковати найвеце тільки кандидатів, кільки посланців мать быти зволених в прислушнім волебнім обводі (чісло посланців, котры ся волять у волебнім обводі є уведжене на листі на голосованя).

На листі на голосованя на вольбы старосту села (пріматора міста) може воліч закружковати лем єдного кандидата.

В шпеціалнім просторі на управу листів на голосованя вложить воліч до білой копертки лист на голосованя на вольбы до сельского (міського) засупительства і лист на голосованя на вольбы старосту села (пріматора міста).

Кедь воліч вложить лист на голосованя до несправной копертки, такый лист на голосованя є н е п л а т н ы й.

На пожадания воліча волебна комісія выдасть за несправні управлены листы на голосованя новы. Несправні управлены листы на голосованя воліч вложить до ладічки на одложія несхоснованих або несправні управлених листів на голосованя.

Воліч, котрый не годе сам управити лист на голосованя про своє здравотне зневыгодніня або зато, же не годе читати або писати і ознамить тот факт перед голосованём волебній комісії, мать право взяти із собов до простору на управу листів на голосованя іншу способну особу, абы подля ёго інштрукцій і закона управила лист на голосованя і вложила го до копертки. Обидві особы перед вступом до шпеціального простору на управу листів на голосованя член волебной комісії поучить о способі голосованя, о трестнім skutku змаріня приправы і перебігу волеб і о трестнім skutku волебной корупції. **Членове волебной комісії не сміють волічам управлєвати листы на голосованя.**

По одході з шпеціального простору на управу листів на голосованя воліч вложить белаву копертку до белавой ладічки на голосованя на вольбы до самосправных органів а білу копертку до білой ладічки на голосованя на вольбы до органів самосправи села/міста/міської часті.

Кедь воліч вложить копертку до несправной ладічки на голосованя, таке голосованя є н е п л а т н е.

Воліч, котрый не може про здравотне зневыгодніня сам вложить копертку до волебной ладічки, може пожадати, абы копертку до волебной ладічки в ёго притомности вложила інша особа, окрема члена волебной комісії села/міста/міської часті.

Воліч, котрый не може прийти до волебной містности із важных, главні здравотных доводів, мать право пожадати село/місто/міську часть а в день волеб волебну комісію о реалізацію голосованя до переносной волебной ладічки, а то лем в теріторіалнім обводі волебного раёну села/міста/міської часті, подля міста свого стабільного бивання.

Воліч повинен одложить несхоснованы або несправні управлены листы на голосованя до запечатованой ладічки на одкладованя несхоснованих або несправні управлених листів на голосованя, інакше ся допустить переступліня, за котре дістане покуту 33 Евра.